



Broj: 02-05-29860-3/13
Sarajevo, 20.11.2013. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst i 38/13), Vlada Kantona Sarajevo, na **43.** sjednici održanoj **20.11.2013.** godine, donijela je sljedeći

ZAKLJUČAK

1. Utvrđuje se Prijedlog odluke o izmjeni Odluke o preuzimanju prava osnivača Fonda Kantona Sarajevo "IKRE".
2. Predlaže se Skupštini Kantona Sarajevo da, u skladu sa Poslovníkom Skupštine Kantona Sarajevo, donese odluku iz tačke 1. ovog Zaključka.

P R E M I J E R

Suad Zeljković

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo za boračka pitanja
5. Fond "IKRE" (putem Ministarstva za boračka pitanja)
6. Evidencija
7. A r h i v a



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Na osnovu člana 18. stav 1. tačka b) Ustava Kantona Sarajevo («Službene novine Kantona Sarajevo», br. 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici održanoj _____ 2013. god, donijela je

O D L U K U

O IZMJENAMA ODLUKE O PREUZIMANJU PRAVA OSNIVAČA FONDA KANTONA SARAJEVO "IKRE"

Član 1.

U Odluci o preuzimanju prava osnivača Fonda Kantona Sarajevo "IKRE" ("Službene novine KS", br. 9/04, 20/04, 31/07 i 33/07) u članu 5. stav 1. tačka 2, riječi "na koji saglasnost daje osnivač", se brišu.

Član 2.

Ovlašćuje se Zakonodavno-pravna komisija Kantona Sarajevo da utvrdi Prečišćeni tekst ove Odluke.

Član 3.

Ova Odluka stupa na snagu danom objavljivanja u "Službenim novinama Kantona Sarajevo".

Broj:
Sarajevo:

**Predsjedavajuća
Skupštine Kantona Sarajevo**

Prof. dr. Mirjana Malić

O B R A Z L O Ž E N J E

PRAVNI OSNOV:


Član 18. stav 1. tačka b) Ustava Kantona Sarajevo («Službene novine Kantona Sarajevo», br. 1/96, 2/96, 3/96, 16/97, 14/00, 4/01 i 28/04).

RAZLOZI ZA DONOŠENJE ODLUKE:

U Odluci o preuzimanju prava osnivača Fonda Kantona Sarajevo "IKRE" ("Službene novine KS", br. 9/04, 20/04, 31/07 i 33/07) u članu 5. stav 1. tačka 2, riječi "na koji saglasnost daje osnivač", se brišu iz razloga što se smatra da nije opravdano i svrsishodno tražiti od osnivača odnosno Skupštine Kantona Sarajevo saglasnost na Pravilnik o kriterijima za dodjelu sredstava za školovanje djece boraca i djece poginulih boraca koji donosi Upravni odbor Fonda Kantona Sarajevo IKRE.

Obzirom da je osnivač Fonda "IKRE" Skupština Grada Sarajeva te da su Odlukom Skupštine Kantona Sarajevo preuzeta prava osnivača te da je tako zadržana i odrednica da osnivač daje saglasnost na Pravilnik o kriterijima za dodjelu sredstava za školovanje djece boraca i djece poginulih boraca koji donosi Upravni odbor Fonda Kantona Sarajevo IKRE smatramo da nije opravdano i svrsishodno da se Skupština Kantona zadužuje za davanje saglasnosti na predmetni pravilnik.

Shodno navedenom predlažemo da se usvoji predložena Odluka.



15667
31-10-2013

3478

Broj: 03-07-02-28481/13
Sarajevo, 30.10.2013. godine

MINISTARSTVO ZA BORAČKA PITANJA
-ovdje-

PREDMET: Mišljenje o usklađenosti Odluke o izmjenama Odluke o preuzimanju prava osnivača Fonda Kantona Sarajevo „IKRE“ sa Evropskom konvencijom o zaštiti ljudskih prava i osnovnih sloboda i drugim pravnim aktima kojima je utvrđena zaštita ljudskih prava

U skladu sa odredbama člana 7. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", br. 2/12-Prečišćeni tekst i 41/12) i člana 4. alineja 1. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 21/11-Novi prečišćeni tekst i 30/11-Ispravka), Ministarstvo pravde i uprave razmotrilo je prijedlog navedene odluke i dalje slijedeće


MIŠLJENJE

Odluka o izmjenama Odluke o preuzimanju prava osnivača Fonda Kantona Sarajevo „IKRE“ je osnivački akt na koje Ministarstvo pravde i uprave ne daje mišljenje i nije akt kojim se regulišu ljudska prava i obaveze te nije u suprotnosti sa odredbama Evropske konvencije o zaštiti ljudskih prava i osnovnih sloboda kao ni sa drugim pravnim aktima kojima je utvrđena zaštita ljudskih prava.

S poštovanjem,

Dostaviti:

- ①. Naslovu;
- 2. a/a.



MINISTRICA

Velida Memić
Velida Memić, dipl. pravnik





Broj: 09-02-28482/13
Sarajevo, 29.10.2013. godine

3930

KANTON SARAJEVO
MINISTARSTVO ZA BORAČKA PITANJA

PREDMET: Stručno mišljenje na prijedlog Odluke o izmjenama Odluke o preuzimanju prava osnivača Fonda Kantona Sarajevo "IKRE".-

Na osnovu člana 2. Uredbe o Uredu za zakonodavstvo Vlade Kantona Sarajevo («Službene novine Kantona Sarajevo», broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa («Službene novine Kantona Sarajevo», broj: 21/11-Novi prečišćeni tekst i broj: 30/11-Ispravka), Ured za zakonodavstvo Vlade Kantona Sarajevo, daje slijedeće


MIŠLJENJE

1. Ured za zakonodavstvo Vlade Kantona Sarajevo nema primjedbi na dostavljeni tekst prijedloga Odluke o izmjenama Odluke o preuzimanju prava osnivača Fonda Kantona Sarajevo "IKRE".

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 21/11-Novi prečišćeni tekst i broj: 30/11-Ispravka), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva



SEKRETAR

Ahmed Ljubović, dipl. pravnik



web: <http://uz.ks.gov.ba>
e-mail: ured@ks.gov.ba
Tel/fax: + 387 (0) 33 560-448
Sarajevo, Hamida Dizdara 1



Zakonodavno-pravna komisija

Na osnovu člana 2. Odluke o izmjeni Odluke o preuzimanju prava osnivača Fonda Kantona Sarajevo za stipendiranje i školovanje djece boraca, poginulih boraca i poginulih civila - žrtava rata "IKRE" ("Službene novine Kantona Sarajevo", broj 4/04) i člana 172. Poslovnika Skupštine Kantona Sarajevo ("Službene novine Kantona Sarajevo", broj 25/03) Zakonodavno-pravna komisija Skupštine Kantona Sarajevo na sjednici od 13. aprila 2004. godine utvrdila je prečišćen tekst Odluke o preuzimanju prava osnivača Fonda Kantona Sarajevo za stipendiranje i školovanje djece boraca, poginulih boraca i poginulih civila - žrtava rata "IKRE".

Prečišćen tekst Odluke o preuzimanju prava osnivača Fonda Kantona Sarajevo za stipendiranje i školovanje djece boraca, poginulih boraca i poginulih civila - žrtava rata "IKRE" obuhvata: Odluka o preuzimanju izmjenjena i dopuna Odluke o osnivanju Fonda grada Sarajevo za stipendiranje i školovanje djece poginulih boraca i poginulih civila - žrtava rata "IKRE" ("Službene novine Kantona Sarajevo", broj 32/01 i 35/01 - ispravka) Odluku o izmjeni Odluke o preuzimanju prava osnivača Fonda Kantona Sarajevo za stipendiranje i školovanje djece boraca i poginulih civila - žrtava rata "IKRE" ("Službene novine Kantona Sarajevo", broj 4/04) u kojim je naznačen dan stupanja na snagu ovih odluka.

Broj 01-05-11732/04
13. aprila 2004. godine
Sarajevo

Predsjedavajući
Zakonodavno-pravne komisije
Esad Hrvaić, s. r.

ODLUKA

O PREUZIMANJU PRAVA OSNIVAČA FONDA KANTONA SARAJEVO ZA
STIPENDIRANJE I ŠKOLOVANJE DJECE BORACA, POGINULIH BORACA I
POGINULIH CIVILA - ŽRTAVA RATA "IKRE"

I - OPĆE ODREDBE

Član 1.

Radi obezbjeđenja sredstava i drugih uslova za stipendiranje i školovanje djece poginulih boraca i civila žrtava rata na području Kantona Sarajeva, osniva se Fond Kantona

Sarajevo za stipendiranje i školovanje djece boraca, poginulih boraca i poginulih civila - žrtava rata "IKRE" (u daljem tekstu: Fond).

Član 2.

Fond će poslovati pod nazivom: Fond Kantona Sarajevo za stipendiranje i školovanje djece boraca, poginulih boraca i poginulih civila-žrtava rata "IKRE".

Fond ima svojstvo pravnog lica.

Sjedište Fonda je u Sarajevu, ulica Štrosmajerova broj 3.

Fond ima poseban račun devizni i dinarski.

II - POSLOVI I ZADACI FONDA

Član 3.

Fond obavlja sljedeće poslove i zadatke:

- obezbjeđuje stipendije od 1-12 godina školovanja,
- obezbjeđuje stipendije redovnim studentima,
- obezbjeđuje sredstva za nabavku udžbenika,
- obezbjeđuje sredstva za jednokratnu pomoć,
- obezbjeđuje sredstva za posebno, dodatno školovanje (usavršavanje) djece - talenata,
- obezbjeđuje ostale vrste pomoći.

III - UPRAVLJANJE FONDOM

Član 4.

Organ upravljanja u Fondu je Upravni odbor od tri člana.

Predsjednika i članove Upravnog odbora imenuje i razrješava Vlada Kantona Sarajevo.

Mandat članova Upravnog odbora traje četiri godine.

Član 5.

Upravni odbor Fonda naročito vrši sljedeće poslove i zadatke:

1. Donosi Statut Fonda na koji daje suglasnost osnivača.

2. Donosi Pravilnik o kriterijima i načinu dodjele sredstava o školovanju djece boraca i djece poginulih boraca na koji suglasnost daje osnivač.

3. Donosi srednjoročne, odnosno godišnje planove i programe Fonda, na koji suglasnost daje osnivač.

4. Prati i realizaciju planova i programa Fonda i vrši kontrolu namjenskog i racionalnog korištenja sredstava Fonda.

5. Utvđuje kriterije i mjerila za usmjeravanje i raspoređivanje sredstava Fonda.

6. Usvaja završni račun Fonda.

7. Usvaja godišnji izvještaj o radu i poslovanju Fonda na koju suglasnost daje osnivač.

8. Obavlja i druge poslove za koje je ovlašten propisima, Statutom i drugim aktima Fonda.

Član 6.

Direktor predstavlja i zastupa Fond, izvršava odluke Upravnog odbora Fonda i stara se o izvršavanju stručnih i administrativnih poslova.

Član 7.

Organ rukovođenja u Fondu je direktor. Direktora imenuje Upravni odbor na osnovu konkursa uz suglasnost Vlade Kantona Sarajevo.

Izuzetno u uslovima neposredne ratne opasnosti ili rata direktora imenuje i razrješava Vlada Kantona Sarajevo.

Član 8

Organ kontrole poslovanja u Fondu je Nadzorni organ od tri člana. Predsjednika i članove Nadzornog odbora imenuje i razrješava Vlada Kantona Sarajevo.

Član 9.

Statutom Fonda uredit će se naročito sljedeća pitanja: način odlučivanja Upravnog odbora Fonda, izbor predsjednika Upravnog odbora, odgovornost članova Upravnog odbora Fonda, organi, postupak i uslovi za imenovanje i razrješenje direktora Fonda, ostvarivanje prava i dužnosti iz radnog odnosa direktora Fonda i druga pitanja.

IV - SREDSTVA FONDA

Član 10.

Sredstva za finansiranje poslova Fonda obezbjeđuju se iz:

- donacija Budžeta Kantona Sarajevo;
- donatorskih priloga pravnih i fizičkih lica iz zemlje i inostranstva,
- ostalih sredstava.

Član 11.

Sredstva Fonda koristit će se za finansiranje poslova iz člana 3. ove Odluke, kao i za druge poslove i zadatke utvrđene Statutom Fonda, a u skladu sa finansijskim planom.

Član 12.

"Za svoje obaveze Fond odgovara svom svojom imovinom - potpuna odgovornost".

Osnivač Fonda je supsidijarno odgovoran za obaveze Fonda.

Pitanja prava i obaveza između osnivača i Fonda koja nisu regulisana ovom odlukom utvrdit će se ugovorom.

V - STRUČNI I ADMINISTRATIVNI POSLOVI FONDA

Član 13.

Statutom Fonda bliže će se urediti pitanja obavljanja stručnih i administrativnih poslova Fonda, prava, dužnosti i odgovornosti koje iz ovog proističu za Fond.

VI - OSTALE ODREDBE

Član 14.

Nadzor nad zakonitošću rada Fonda vrši Ministarstvo za boračka pitanja Kantona Sarajevo.

"Službene novine KS", broj 20/04

Na osnovu člana 18. stav 1. tačka b. Ustava Kantona Sarajevo ("Službene novine Kantona Sarajevo" broj 1/96, 2/96, 3/96, 16/97, 14/00 i 4/01) Skupština Kantona Sarajevo, na sjednici od 2. septembra 2004. godine, donijela je

ODLUKU

O IZMJENI ODLUKE O PREUZIMANJU PRAVA OSNIVAČA FONDA KANTONA SARAJEVO ZA STIPENDIRANJE I ŠKOLOVANJE DJECE BORACA, POGINULIH BORACA I POGINULIH CIVILA-ŽRTAVA RATA "IKRE"

Član 1.

U Odluci o preuzimanju prava osnivača Fonda Kantona Sarajevo za stipendiranje i školovanje djece boraca, poginulih boraca i poginulih civila-žrtava rata "IKRE" ("Službene novine Kantona Sarajevo" broj 9/04- prečišćen tekst) u članu 2. stav 3. mijenja se i glasi:

Sjedište Fonda je u Sarajevu, ulica Hamdije Kreševljakovića broj 61.

Član 2.

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst Odluke o preuzimanju prava osnivača Fonda Kantona Sarajevo za stipendiranje i školovanje djece boraca, poginulih boraca i poginulih civila-žrtava rata "IKRE".

Član 3.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-02-20477/04
2. septembra 2004. godine
Sarajevo

Predsjedavajuća
Skupštine Kantona Sarajevo
Meliha Alić, s. r.

Na osnovu člana 12. stav 1. tačka c. i člana 18. stav 1. tačka b. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici održanoj 26. septembra 2007. godine, donijela je

ODLUKU

O IZMJENAMA I DOPUNAMA ODLUKE O PREUZIMANJU PRAVA OSNIVAČA FONDA KANTONA SARAJEVO ZA STIPENDIRANJE I ŠKOLOVANJE DJECE BORACA, POGINULIH BORACA I POGINULIH CIVILA - ŽRTAVA RATA "IKRE"

Član 1.

U Odluci o preuzimanju prava osnivača Fonda Kantona Sarajevo za stipendiranje i školovanje djece boraca, poginulih boraca i poginulih civila - žrtava rata "IKRE" ("Službene novine Kantona Sarajevo", br. 28/04-Prečišćeni tekst, 5/05 i 9/06), iza člana 5., dodaju se novi članovi 5a. i 5b., koji glasi:

"Član 5a.

Vlada Kantona će razriješiti predsjednika i člana Upravnog odbora, predsjednika i člana Nadzornog odbora i direktora Fonda IKRE i prije isteka mandata na koji su imenovani u sljedećim slučajevima:

- ako utvrdi da je odgovoran za neuspješan ili nezakonit rad Fonda IKRE,
- ako je Fond memorijala poslovaao sa gubitkom dvije (2) godine uzastopno,
- na lični zahtjev,
- ako Skupština ne usvoji Izvještaj o radu i finansijskom poslovanju Fonda IKRE i
- u drugim slučajevima utvrđenim zakonom i pravilima Fonda IKRE.

Procedura usvajanja izvještaja o radu i finansijskom poslovanju Fonda IKRE, posljedice mogućeg neusvajanja navedenih akata, kao i postupak i način razrješenja predsjednika i članova Upravnog odbora, predsjednika i članova Nadzornog odbora i direktora, precizirat će se Pravilima Fonda IKRE.

Član 5b.

Upravni odbor obavezan je da Ministarstvu za boračka pitanja Kantona Sarajevo redovno dostavlja zapisnike sa održanih sjednica Upravnog odbora, a Izvještaj o radu i finansijskom izvještaju godišnje.

Godišnji izvještaj o radu sadrži: izvještaj o izvršenju godišnjeg programa rada, izvještaj o finansijskom poslovanju i izvještaj o radu Upravnog odbora."

Član 2.

Ovlašćuje se Zakonodavno-pravna komisija Kantona Sarajevo da utvrdi prečišćeni tekst ove Odluke.

Član 3.

Ova Odluka stupa na snagu danom objavljivanja u "Službenim novinama Kantona Sarajevo".

"Službene novine KS", broj 33/07

ISPRAVKE
Ministarstvo za boračka pitanja

ISPRAVKA

TEHNIČKE GREŠKE

U Odluci o izmjenama i dopunama Odluke o preuzimanju prava osnivača Fonda Kantona Sarajevo za stipendiranje i školovanje djece boraca, poginulih boraca i poginulih civila-žrtava rata "IKRE" ("Službene novine Kantona Sarajevo", broj 31/07) u članu 5a, stav 1., alineja 2, riječi: "ako je Fond memorijala poslovaio sa gubitkom dvije (2) godine uzastopno", treba da glase: "ako je Fond IKRE poslovaio sa gubitkom dvije (2) godine uzastopno".

Broj 06-S1/07
18. oktobra 2007. godine
Sarajevo